


Grawng Cao Teei Kax



Lukax 5:1-11

Illustrations: Ramadhan Masudi

Shell Book Office

Bible Translation & Literacy

P.O. Box 44456

Nairobi, Kenya

Permission is granted for the non-profit production of this book in local languages.

Scripture text from New English Translation, Luke 5:1-11 .

Translated to the Wa language by:

Yex Ka Lin

Ai Sang Awng

Edition : First edition

Date : September, 2015

Wa Scripture passages are from The Holy Bible in Wa (2012)


Puag Pua Pa Koe Plak Khaix

Been in mawh grawh grawng pa hu Yesux ka rawm nhawng ting Gennesariet pa koe ka daux haktiex Galilie. Pui tix blah kok mawh nhawng Galilie. Nawng Gennesariet mawh rawm nhawng pa kied ting heue. Pui pa ot baoh an plak nie eei ju tix ka kaing teei kax heue. Pui teei kax khan kix koe reu mai rub son sang teei kax. Pui tix blah teei kax plak pon sawm, pui tix blah teei kax plak pon ngaix.


Nhawng Gennesariet mawh dah dee pa kok Yesux kawn cau Nawh bawg liang heue. Daux been in ex tag yaox grawng kok Yesux ka kix son sang hawt khaix Nawh yuh ka mawx?

Lox chawk pa lo ti nih nai krai lao tau -

Maix sax teei kax (met kax) lie? Maix hu mai pui mawx? Koe daux blawng pa teei kax tom nie? Maix shiao daux blawng teei kax yuh ka mawx? Mawh daux blawng pa yuh ka mawx pa kieh maix pon kax tom nie?




¹ Yam cung Nawh Cao dex rawm nhawng Gennesariet cub pui hun theet nyheen Nawh, sonsang mhong gumlox Siyiex.




² Nawh Cao yaox reu ra lhang praok
nhawng, viang mawh nan pui teei kax
khankix hoik lih khaing reu an mai sidaux
rub cie tix heue.




³ Nawh Cao laig ka daux reu an tix lhang, pa mawh cie Simon, mhaing nawh greed reu khaing praok ceeix.




^{3b} Nawh ngawm tan mai sidiex gau ka cub
pui hun khaing daux reu an heue.



⁴ Khaix hoik sidiex Nawh Cao, Nawh ah nin ka Simon, “Gah reu hu dee raux mai ploi rub maix khankix, sonsang pon kax heue.”



⁵ Simon deeh pawk lox ah nin, “Simiang eue, ex hoik nyhap mao leeing sawm ang pon tidtix, viang mawh nan kheu lox Maix aux tak ploi rub khankix heue.” ⁶ Yam yuh kix nan, kix pon krix kax tom nie mai rub kix jah ti griaah heue.




⁷ Kix yib taix ka paox tix, pa ot daux reu tang lhang an, yuh ka mawx son sang hoek ti teem kix heue. Kix hoek mai kieh reu naog khawm ra lhang, tom reu an kiex jah ti com heue.



⁸ Yam yaox Simon Petrux ceu an, nawh krub dex ngawng Yesux ah nin, “Simiang eue, lih hu khaing aux liak, kheu mawh aux pui ting map heue.” ⁹ Kheu nawh mai pui pa ot tau mai nawh khawmuik kied daox deng kah, grawng kax pa hoik pon kix. ¹⁰ Yakop mai Yohan kawn Zebedie, pa mawh paox pie Simon kawx, ka awm an heue.



^{10b} Yesux ah nin ka Simon, “Paw vi lhat, jah dom yam in maix tak sang mawh pui teei pui heue.”



¹¹ Yam hoik viex kix reu hu ka praok, kix prah grham khawmuik mai hawt Nawh Cao heue.

k. Deeh Thawk Teng

1. Mawh kheu jao pa tix pui hun khankix hu tau mai Yesux ka nhawng Gennesariet?
2. Cao reu pa brug Yesux mawh pui mawx?
3. Khaix hoik sidiex gau ka pui hun khankix, Yesux cau Simon yuh pa tix?
4. Simon deeh pawk lox Yesux yuh ka mawx?
5. Yam hoik ploi Simon rub daux rawm awm pa hoik cau Yesux, lih ti mawh ceu pa tix?
6. Yam Simon Petux yaox pon tix kax tom nie, nawh yuh pa tix?
7. Yesux ah Simon sang lih tix mawh pui pa yuh ka mawx hu sivoe ngai?

kh. Krax Pa Doh Rhawm Ka Been

1. Mawh kheu jao pa tix Yesux kieh Simon mai paox grawm nawh khankix pon teei kax tom nie? Maix keud yuh ka mawx?
2. Mawh kheu jao pa tix khaix hoik teei Petruux kax nawh ah, “Simiang eue, lih hu khaing aux liak, kheu mawh aux pui ting map heue.”? Maix keud yuh ka mawx?
3. Mawh kheu jao pa tix Yesux laug pui teei kax mawh kawn cau Tix? Maix keud yuh ka mawx?
4. Maix yaox yuh ka mawx ka piang dee bleeh pa ah “Pui teei pui”?

G. Krax Pa Deeh Shiao Daux Ju Tix Khaing Been

1. Kawn Cau ah ex mawh pui pa yuh ka mawx?
2. Son ang ex pon hawt khaix Yesux koe pa tieb tie ceu pa tix?
3. Maix sang chix krai paox grawm tix mhong grawng Yesux mawh pui mawx (a) grawng pa hoik teem Nawh ka maix?
4. Been in joh jhan ex yuh ka mawx son sang hawt khaix Yesux awm kawn cau Nawh khankix?

Ng. Ceu Pa Rieb Gau Khaing Been In

1. Yesux koe sibrawm ka piang ku ceu khawm uik!
2. Yam Yesux kok ex hawt khaix Nawh, Nawh koe krax keud pot ti sang kia ngien ka ex mai nyiex ma ex.
3. Siyiex simie ex mawh kawn cau tix khawmuik, son sang mawh pui kham sakse grawng lox buan pa cie Yesux.
4. Maix kawn pon rieb gau ceu pa tix? Kawn koe lox chawk maix tix ceu ceu lie?

Baux Lai Pa Caw Ti Ci

Lukax 5:10 Yesux ah nin ka Simon, "Paw vi lhat, jah dom yam in maix tak sang mawh pui teei pui heue."